



**DEPUTACIÓN PROVINCIAL  
A CORUÑA**

SERVIZO DE PATRIMONIO E CONTRATACIÓN

Número 107 /2021

**CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E O PADROADO DO MUSEO DO POBO GALEGO POLO QUE SE INSTRUMENTA UNHA SUBVENCIÓN NOMINATIVA PARA COFINACIAR O PROXECTO DE MUSEALIZACIÓN DA SALA DE HISTORIA DE "A GALICIA MEDIEVAL" E TRASLADO DE SERVIZOS AOS NOVOS ESPAZOS REHABILITADOS DA ALA SUR**

Na Coruña a 29 de decembro de 2021

Ante min, Miguel Iglesias Martínez, Secretario Accidental da Deputación Provincial da Coruña, como fedatario actuante.

**REUNIDOS**

Don Valentín González Formoso, en representación da Deputación Provincial da Coruña

Don Justo Beramendi González, en representación do Padroado do Museo do Pobo Galego

**MANIFESTAN**

O artigo 2 dos estatutos do Padroado do Museo do Pobo Galego establece como obxectivos da entidade investigar, conservar, divulgar, defender e promover a cultura galega e a súa historia en todos os seus ámbitos; e concretamente crear e desenvolver un museo ao servizo deste obxectivos.

Cun carácter exclusivamente científico e de investigación o Padroado do Museo do Pobo Galego desenvolve as súas actividades en Galicia e noutras áreas que, polas súas afinidades coa cultura galega ou outras circunstancias, convén facelo.

A rehabilitación da Ala Sur do convento de Bonaval, puxo a disposición do Museo do Pobo Galego un conxunto de espazos que consonte á súa programación teñen como finalidade principal a ampliación da exposición permanente, a ampliación e mellora das salas de exposición temporal, e a dotación e/ou mellora dos servizos do museo.

Con tal finalidade, no ano 2020 iniciábase o proceso para a instalación das salas de Historia de Galicia, coa realización dos audiovisuais incluídos nos módulos expositivos, a reproducións de pezas para as salas e adquisición de algún equipamento xeral; o prioritario do museo neste ano 2021 é a montaxe das salas de Historia de Galicia, das que xa están en execución os módulos expositivos 0 a 3 do proxecto museográfico global, que corresponden á introdución e ao período que cobre desde a Prehistoria ao Reino Suevo.

A continuación do proxecto supón ocupar espazos da zona rehabilitada na ala sur, que require, con carácter previo á montaxe dos módulos expositivos a realización de unha serie de actuacións de base: montaxe dunha rede intranet que dé e servizo a esta zona e poder instalar o control centralizado dos audiovisuais dos módulos expositivos, adquirir algún equipamento e mobiliario de apoio necesario para poder abrir ao público esta área e instalar o módulo expositivo 4 que corresponde coa Idade Media.

No pasado mes de abril o presidente do Padroado do Museo do Pobo Galego dirixiuse á Deputación solicitando a súa colaboración no financiamento destas actuacións na ala sur de San Domingos de Bonaval para a instalación das novas Salas de Historia de Galicia e servizos do Museo do Pobo Galego.

Tendo en conta que a Deputación é un dos patros institucionais do Museo e coa intención de manter a colaboración coa entidade, iniciáronse os trámites para a concesión dunha subvención nominativa por importe de 150.000 €, ao Padroado do Museo do Pobo Galego da Coruña e a inclusión do crédito no EMC correspondente.

Dado o interese coincidente da Deputación de Coruña e do Padroado do Museo do Pobo Galego, ambas as dúas partes acordan formalizar o presente convenio de colaboración que se rexerá polas seguintes

**CLAÚSULAS**

**I.- Obxecto.**

O presente convenio ten por obxecto a fixación das bases de outorgamento dunha subvención nominativa por esta Deputación a prol do Padroado do Museo do Pobo Galego, NIF: G15037195, fixando as condicións que se imponen por esta administración concedente e os compromisos asumidos pola entidade beneficiaria para o financiamento parcial do **Proxecto de musealización da sala de historia de "A Galicia Medieval" e traslado de servizos aos novos espazos rehabilitados da ala sur.**

**II.- Orzamento de gastos da actividade a realizar pola entidade beneficiaria.**

O Padroado do Museo do Pobo Galego realizará o investimento obxecto do convenio, consonte ao seguinte orzamento desagregado:

<i>Orzamento Módulo 4 Idade Media</i>	
Cap 1. Elementos museográficos	108.038,00 €
Cap 2. Impresión e deseño gráficos	12.520,00 €
Cap 3. Soporte de pezas e Material de Conservación-Montaxe	6.962,00 €
Cap 4. Reproducións e facsímiles	11.200,00 €

**XII.- Incorporación ao rexistro público de subvencións e publicación da subvención concedida.**

1.- En cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación do Padroado do Museo do Pobo Galego serán remitidos á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto e co debido respecto á protección dos datos de carácter persoal, segundo o previsto na Lei orgánica 3/2018, do 5 de decembro, de Protección de Datos Persoais e garantía dos dereitos dixitais.

2.- Asemade, en cumprimento do disposto no artigo 16.3 da Lei 9/2007, de 13 de xuño, de subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao rexistro público de axudas, subvencións e convenios da Comunidade Autónoma de Galicia.

3.- Segundo o previsto no artigo 18 da Lei 38/2003, de 17 de novembro, xeral de subvencións, a concesión da subvención ao Padroado do Museo do Pobo Galego será publicada no Boletín Oficial da Provincia da Coruña e na páxina web dacoruna.gal

4.- Un exemplar deste convenio, debidamente asinado, será incorporado ao rexistro de convenios que depende do Servizo de Patrimonio e Contratación da Deputación.

**XIII.- Vixencia do convenio, prórroga ou modificación.**

1.- O prazo de vixencia do presente convenio finalizará o **31 de agosto de 2022** e terá efectos retroactivos, polo que os investimentos contemplados nel poderán terse realizadas dende o 1 de xaneiro de 2021.

Esta vixencia queda subordinada á existencia do crédito adecuado e suficiente que para o Exercicio de 2022, autorice o correspondente Orzamento.

2.- Previa solicitude do Padroado do Museo do Pobo Galego, realizada alomenos un mes antes do fin da vixencia, o convenio poderá ser prorrogado por acordo expreso de ambas as dúas partes, e previos os informes preceptivos da Unidade Xestora, do Servizo de Patrimonio e Contratación, da Secretaría e da Intervención da Deputación.

3.- Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

**XIV.- Natureza, interpretación, modificación e xurisdición competente.**

1.- O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de subvencións, e na Lei 9/2007, de 13 de xuño, de subvencións de Galicia. Supletoriamente aplicarase a lexislación de contratos do sector público.

2.- A interpretación das dúbidas e lagoas que poidan xurdir na aplicación do presente convenio corresponderalle ao Presidente da Deputación, logo dos informes previos preceptivos da Unidade xestora, da Secretaría e da Intervención provincial.

3.- Corresponderalle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado polo Pleno da Corporación de data 21 de decembro de 2021.

E en proba de conformidade asinan en exemplar cuadruplicado o presente convenio no lugar e data indicados no encabezamento.

**O PRESIDENTE DA DEPUTACION  
PROVINCIAL DA CORUÑA**

**O PRESIDENTE DO PADROADO DO MUSEO DO POBO  
GALEGO**

Asdo.: Valentín González Formoso

Asdo.: Justo Beramendi González

**O SECRETARIO ACCIDENTAL  
DA DEPUTACIÓN PROVINCIAL DA CORUÑA**

Asdo.: Miguel Iglesias Martínez

<i>Total Módulo 4</i>	<i>138.720,00 €</i>
<i>Instalacións e equipamento</i>	
Instalación rede intranet para control de audiovisuais	7.700,00 €
Equipamento de streaming	21.600,00 €
Equipamento vario	19.480,00 €
<i>Total Instalacións e equipamento</i>	<i>48.780,00 €</i>
<b>Total orzamento IVE incluído</b>	<b>187.500,00 €</b>

### III.- Financiamento provincial e outros ingresos que se obteñan ou acheguen para a mesma finalidade.

1.- A Deputación Provincial da Coruña contribuirá ao financiamento do investimento, tal como se define na cláusula primeira, cunha achega máxima de **150.000,00 €** o que representa unha porcentaxe do **80 %** do orzamento total.

A cantidade restante, ata acadar o importe total do orzamento do investimento, está financiado con cargo a recursos, propios ou alleos, acreditando a entidade beneficiaria que ten consignado o crédito adecuado e suficiente para imputar a totalidade do gasto imputable á entidade.

2.- No caso de que o gasto xustificado non acadase o importe total previsto na cláusula segunda, a Deputación só achegará o importe que represente o 80 %, da cantidade efectivamente xustificada. Agora ben, se a cantidade xustificada resulta inferior ao 75% do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

3.- . A Deputación provincial financiará exclusivamente os gastos derivados do investimento e, xa que logo, non serán subvencionables os gastos de posibles honorarios derivados de informes periciais de valoración ou de carácter notarial ou rexistral.

4.- O importe do financiamento provincial farase efectivo con cargo á aplicación orzamentaria 0612/3331/781, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

5.- A subvención da Deputación é compatible coa percepción doutras subvencións ou axudas, públicas ou privadas, que o Padroado do Museo do Pobo Galego obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

6.- No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

### IV.- Contratación e execución.

1.- Na súa condición de adquirente, corresponderalle ao Padroado do Museo do Pobo Galego o outorgamento dos correspondentes contratos. Non se poderá contratar con persoas o entidades vinculadas ao Padroado do Museo do Pobo Galego, nin con calquera outra na que conorra algunha das circunstancias ás que se refire o artigo 29.7 da Lei 38/2003, de 17 de novembro, Xeral de subvencións.

2.- Se o importe do investimento é superior a 15.000 €, con carácter previo á contratación, o Padroado do Museo do Pobo Galego deberá solicitar alomenos tres orzamentos a distintos provedores. Entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente.

### V.- Publicidade do financiamento provincial.

1. Nos acordos que se tomen para realización dos investimentos farase constar o importe do financiamento provincial.

2. O Padroado do Museo do Pobo Galego deberá colocar, en calquera lugar visible da sala de historia de "A Galicia Medieval", unha placa na que figure o logotipo da Deputación da Coruña, na que se deixe constancia da data de adquisición e do financiamento provincial. O texto estará redactado en galego.

3.- Na publicidade pola que se dea a coñecer a realización das actividades do Padroado do Museo do Pobo Galego, ben sexa por medios escritos, radiofónicos ou televisivos, audiovisuais ou internet, etc. deberase facer constar sempre o financiamento da Deputación Provincial da Coruña.

4.- Coa memoria e conta xustificativa achegaranse documentos que acrediten o cumprimento desta obriga do Padroado do Museo do Pobo Galego.

### VI.- A xustificación necesaria para recibir a achega provincial.

A achega da Deputación seralle abonada ao Padroado do Museo do Pobo Galego unha vez que se presente de xeito telemático a través da plataforma SUBTEL, a seguinte documentación:

\* **Certificación** do acordo polo que se aproba a adquisición dos bens ou equipamento, expedida polo órgano competente.

\* **Copia dos contratos** formalizados, das actas de recepción e das facturas.

\* **Certificación** do acordo da incorporación do ben ao inventario de bens do Padroado do Museo do Pobo Galego e acreditación, no seu caso, da inscrición a prol da entidade no rexistro público correspondente, deixando constancia no asento de inscrición da afectación do ben á finalidade para a que foi concedida alomenos por un prazo de cinco anos.

\* **Memoria de actuación**, subscria polo representante legal do Padroado do Museo do Pobo Galego, xustificativa do cumprimento das condicións impostas neste convenio, coa indicación dos investimentos realizados, dos beneficiarios e dos resultados obtidos.

\* **Relación clasificada dos gastos** realizados (con IVE e sen IVE), no que se indiquen os acredores co seu NIF, os documentos xustificativos, os importes e, no seu caso, datas de pago; tamén se indicarán as desviacións con respecto ao orzamento detallado na cláusula segunda.

\* **Certificación** da aprobación das facturas e demais documentos xustificativos polo órgano competente.

\* **Acreditación** do cumprimento das obrigas tributarias e coa Seguridade Social, segundo o previsto na cláusula oitava.

\* **Declaración** doutras axudas ou subvencións solicitadas ou concedidas para a mesma finalidade.

\* **Declaración** de si a entidade está ou non exenta do IVE.

\* **Certificación** da conta bancaria, segundo o modelo aprobado pola Deputación.

\* **Acreditación** do cumprimento das obrigas asumidas na cláusula quinta, mediante a achega de documentos nos que conste a publicidade do financiamento provincial.

### VII. Termo para a realización da actividade e prazo de xustificación.

1.- Os investimentos que son obxecto de financiamento provincial, tal como están descritas na cláusula primeira, realizaranse entre o 1 de xaneiro de 2021 e o 30 de abril de 2022.

2.- Unha vez rematado o insetimento, ao Padroado do Museo do Pobo Galego deberá presentar a xustificación documental á que se refire a cláusula sexta antes do **30 de xuño de 2022**.

3.- De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requerimento ao Padroado do Museo do Pobo Galego para que a presente no prazo improrrogable de quince días.

A falla de xustificación da subvención neste prazo excepcional conlevará a perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá ao Padroado do Museo do Pobo Galego da sanción que, de conformidade co disposto na Lei de subvencións e na ordenanza provincial de desenvolvemento que resulte aplicable, lle poida corresponder.

4.- O abono da subvención materializarase mediante ingreso na conta da entidade financeira indicada polo Padroado do Museo do Pobo Galego na documentación aportada.

Se tiveran transcorrido máis de catro meses desde a axeitada e correcta xustificación dos compromisos adquiridos sen que tivera cobrado o importe que lle corresponda, ao Padroado do Museo do Pobo Galego terá dereito ao abono dos xuros de demora, ao tipo de interés legal, que se devenguen desde a finalización do prazo de catro meses ata o momento no que se faga efectivo o pagamento.

### VIII.- Acreditación do cumprimento das obrigas tributarias e coa Seguridade Social.

1.- O Padroado do Museo do Pobo Galego deberá acreditar, con carácter previo á sinatura deste convenio e logo, con carácter previo ao pago da subvención, que se atopa ao día no cumprimento das obrigas tributarias coa Administración do Estado, coa Comunidade Autónoma e coa Seguridade Social; e para tal fin poderá autorizar á Deputación a que obteña telemáticamente os correspondentes certificados.

2.- A acreditación do cumprimento das obrigas tributarias coa Deputación Provincial determinarase de oficio por esta.

### IX.- Destino e manexo dos fondos recibidos.

1.- O Padroado do Museo do Pobo Galego destinará os fondos recibidos ao pagamento dos xustificantes de gasto presentados.

2.- Co fin de garantir un adecuado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor; só excepcionalmente se poderá realizar o pago en metálico para gastos de ata 150 €, nos que non resulte posible a utilización dun dos medios anteriormente indicados.

3.- Sen prexuízo dos libros e rexistros contables que as normas xerais ou sectoriais lle poidan impor, ao Padroado do Museo do Pobo Galego deberá contar polo menos cun rexistro cronolóxico de cobros e pagamentos nos que se inclúan, entre outros, os relativos aos gastos xustificadas e aos ingresos declarados con respecto a esta subvención.

### X.- Control financeiro da Deputación e dos órganos de control externo.

1.- Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de subvencións de Galicia, ao Padroado do Museo do Pobo Galego poderá ser escolleita pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento do investimento e o cumprimento de todas as demais obrigas formais e materiais que lle impón o presente convenio de colaboración.

2.- Asemade, de acordo co previsto na Lei 6/1985, de 24 de xuño, do Consello de Contas de Galicia, ao Padroado do Museo do Pobo Galego queda sometida aos procedementos de fiscalización que leve a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de axuizamento contable que poida incoar o Tribunal de Contas, e a calquera outro órgano de control, nacional ou europeo.

### XI.- Reintegro, infraccións e sancións.

1.- O incumprimento dalgunha das cláusulas previstas no presente convenio de colaboración poderá dar lugar a obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciarase de oficio e na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2.- Sen prexuízo do anterior, o dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previsto nas normas citadas e na ordenanza provincial de desenvolvemento que resulte aplicable.

3.- Para os supostos de retraso na realización do investimento ou retraso na presentación da xustificación se estará ao disposto na ordenanza provincial de desenvolvemento que resulte aplicable.